





史和縣  
編纂  
係之印

尾張名家誌初編卷之下

後學 細野忠陳子高

儒林

秦原丕字子恭號城眉美濃人也弱冠東遊受業于服

部南郭名元又學書于細井廣澤慎名和業成來尾張從

學者多為人寬弘未嘗強人以其所不能而薰陶之至

人皆不覺化之故賢愚皆愛慕焉天明壬寅客于川谷

侯名利德土井從侯往來江戶且數來遊尾張寬政辛

寅三月復在其子滄浪家忽發病經時不愈親屬請所



A280  
ホニ  
2-2



屬乃曰吾道遠花月殆六十年可謂天幸矣今亦何言哉但吾死乃收骨於富春山臨終賦詩一章投筆而瞑九月十二日也享年七十六滄浪及門人等從其遺命且多栽花木于冢間云熱田妙安寺即其所也

秦鼎字士鉞號滄浪峨眉子也為人卓犖不羈壯歲召為明倫堂典籍遷教授無幾罷優游終身其學博綜好校正古書皆有裨于後學文章不襲古人自成一家又有樹碑癖戰場遺墟騷人古跡往往刻文以徵之人見璣邑特愛其才遇之最厚自縉紳諸侯以下皆仰慕其德天性孝友父母有疾衣不解帶湯藥必自嘗饋饌抑

極無所不竭心其居喪哭泣幾亡性有一弟為僧在下野及病歸極愛養文政丁亥秋得風疾五歲不愈以天保辛卯七月朔歿享年七十一葬于先塋側所校刊有春秋左氏傳國語莊子因世說新語補韓文起文選李善註賦詩韻含英所著有一宵話

木村貞貫字君恕號蓬萊初號通稱太一初稱中島郡

蒨安賀村人也歲十二如江戶見菽生徂徠無幾徂徠

歿乃歸鄉力學與細井平洲友善比壯入京講說為業

其名稍著會勝山侯名志太酒井番爵于京延為師禮

遇頗厚遂從侯于江戶其說經義譬喻親切言語明爽

故雖時者領會其旨候將大用委之藩政未果而逝於是蓬萊解俸家宰意其必欲如大國蓬萊聞之曰先君好學而容朽腐是欲有為也而今不幸早捐館嗣君尚幼臣不忍素餐是以解馬耳曰子欲安仕曰不欲復仕問其所以自處曰未敢自謀將寄食于友人細井德民家家宰大服其賢加秩傳嗣君既而復請曰臣愚賤非師傅之器而君素狎恐無所益焉家宰乃告君改禮師欲從是蓬萊正顏侍側教誨最謹在江戶邸十六年交遊甚汎文學德行重于一時明和丙戌十月二十五日歿于駒籠邸舍享年五十一葬于谷中臨江寺所著有

玉壺詩選蓬萊遺稿等。

宮崎奇初名字子常號筠圃通稱常之進海西郡鳥地

村人也幼而聰慧強記超群十歲善詩其父舜弼嘗受

學于伊藤東涯名常謂筠圃曰勉旃不繼吾業則非

我子也此十三歲母歿其眷筠圃涕泣不止母曰汝不

堪熱耶筠圃曰吾豈為之哉吾深恐傷遺體也十八歲

從父母遷京師事東涯東涯投卒業于蘭嶋名衣堅元

文已未父死思慕哀戚服喪三年萊弼僅給貧窶亦甚

母戒之曰窮當益堅遺命莫護筠圃奉其誨焦心覃思

研究古學夙夜不懈明和甲申買宅於近衛巷將入居



俄而母死居喪盡禮服闋而徙方此時德望隆重聲譽藉甚四方來學者盈門為入恭謹退讓志純守固事雖至小非義不為天性至孝祭考妣如事生其接人無少長皆盡禮偶聞一善言見一善行必錄藏之其作文溫雅詩亦真率書學趙文敏深得其筆法人得隻字半行以為至寶又妙墨竹當時淺井園南名直御園原尹名中直山科宗菴名漢並稱為平安四竹筠圃居其首請畫者日尋踵一日母謂之曰恐人以汝為畫工筠圃深慙悔自是誓不復作云安永甲午十二月十日歿享年五十八葬于東山禪林寺門人私謚曰行恭先生大納言源

信通卿銘其墓曰克先先業儀表儒門好善如饑嗜學如飧聞朗群蒙折衷微言居仁之宅爵天之尊德音不朽令名永存所著有備考錄經說及詩文集皆藏于家津金胤臣字子隣號鷗洲又默齋通稱文左衛門本府世臣也幼嗜學始受業于須賀精齋精齋歿後從亮齋寬保壬戌十月嗣家歷諸職為熱田奉行始墾田海濱日夜辛勤二年竣功邑氓大悅至今受其賜焉為人峭直又藝武技又學和歌于冷泉家有暇則會友吟咏抒暢其情云享和辛酉十二月十九日歿享年七十五葬于城南大光院。

細井德氏字世馨號平洲或稱如來山人通稱甚二郎智多郡平島村人也其先出于紀長谷雄長谷雄孫雄文隱于河內細井鄉子孫因氏焉二十世至岑克健于參河岑先生克成克成仕今川氏克成孫雄貞任神祖後退隱于平島村以耕桑為業雄貞玄孫正長生二子伯正方季即平洲也生而凝篤異于群兒比十歲志氣高邁恒好讀書至十二三歲經史邦乘畧已涉獵視族謀欲為僧若醫平洲不肯年十六遊京留一年遍訪名家無適意者遂回鄉當斯時中西澆澗方唱古學平洲往見之大服其德遂師事焉既而遊長崎時年十八

主小河仲栗名寬飛鳥子靜名洲俱結兄弟之交日夜研

精講業居三年聞母疾即日東歸歸則母已死平洲悲

悼嘔血臥病歲餘先是淡洲徙居江戶平洲乃往從之

遂家焉淡洲既歿平洲與秋山玉山名儀龍鶴臺名長滋

井太室名德考南宮大猷等結交切磋經業以誘掖後進

為己任聲名藉籍著聞海內紀香巖公時為西條侯

首延為賓師其它列侯貴族修贄者月繁安永庚子

明公始台見聽講大嗟賞之命為侍讀禮遇殊渥於

是大興明倫堂以平洲為督學乃撰舉一國耆儒及第

子數人以充學職學政大振天明丙午二月始行釋菜



使平洲為祭酒。寬政庚戌兼世子侍讀。壬子以光祿督學。復命許之。侍讀如故。為人風格清貴。威儀可仰。其接人溫恭。居家安靜。未嘗疾言遽色。每讀書少。則沈思。語門人曰。學思相須。先聖之教也。平生好稱人美。聞惡則不言。諸生有過。必從容諷諭。以使其悔悟。其學尤長政事。諸侯延受業者。必問以政。然其所為謀。終身籍口。不言。往復之書。不存稿。故人莫知其詳者。享和辛酉六月二十九日。歿于江戶。享年七十四。葬于淺草天岳院。所著有詩經古傳。詩經大訓。詩經小訓。詩經夷考。毛鄭同異考。嚶鳴館詩文集。小語。遊松嶋記。獻芹錄。一名野芹

政大體。花木花。小島苔屋。

南宮岳字喬卿。號大湫。又烟波釣叟。居號積翠樓通稱彌六郎。其先出于新羅義光。義光二十五世孫曰飯島師勝。其第五子曰之勝。通稱仲八改氏井上。善擊劍。材幹過人。始仕國光竹腰氏。其妻結城氏。善懷筆。有身而生大湫。大湫生而聰悟絕。衆以禎祥之故。小字曰文太。九歲喪父。十三喪母。十一歲讀書。作詩。然以多病且早孤。不襲父業。持攻儒術。成童受業于中西淡洲。與細井平洲情交尤密。長不樂仕官。去入京。改氏南宮。無幾如伊勢系名。獻屋而居。教授為業。亦貧至三日不食。然孜孜攻業。蕭

然無愛色。其妻林氏亦安焉。隣里稍敬異。既而徙河濱。津。負笈者日相踵。修書歸交者亦多。歲四十二遊江戶。僑居日本橋邊。教授生徒。聲價愈高。自列侯貴人。至士庶。往來其塾者殆無虛日。每講會後。至者無席。可坐。居五年。其業益盛。以其居狹隘。卜築講堂於八町堀牛草橋畔。其樓以望富士山。扁曰晴雪樓。教授之暇。以著書為樂。其教人先德行。自處履實理。然又不好以嚴厲格物。乃謂寬則能容衆。課門人。不曾譴責。遇奴婢不少呵責。寄寓生徒常二三十人。見其貧者。則與衣食。使之益專力勤學。而不受其報。其於知友之窮困者亦然。初在

桑名。日飲一富人。家主人引幻士。以娛客。幻士將奏技。逡巡不進。謝曰。坐有異人。我術不成。竟辭去。坐客皆敬大。湫。正志。勝邪云。大湫壯歲。一飲盡斗酒。至歲五十。痛自禁止。自茲雖人強之。一滴不飲。安永戊戌三月三日。殁。享年五十一。葬于牛島弘福寺。所著有孝經指解補註。大學考論。語師說述義。尚書今文定本。尚書今文纂註。禹貢地理指掌圖考。春秋三傳比考。歷代備荒考。大湫文集。守成論。勸學編。芸窓放言。積翠閣言。漁翁私言。病餘瑣言。講餘獨覽。移居帖。神代卷圖解。中臣被成問。茶說。獨笑。本朝學原。浪華抄等。



南宮齡。初名壽。字大年。號龍湫。又藍川。通稱大助。大湫子也。母林氏。比大湫容于伊勢。生龍湫于阿濃津。後携抵江戶。寓于八町堀。大湫卒。時龍湫年十四。居喪極哀。服闋。寓平洲。嚶鳴館。平洲以與大湫友善。視之猶子。內藤老侯陽政先已師大湫。於是厚饋之。以養其母及幼弟。於麻布師舍。龍湫刻苦憤勵。慨然有報國極之志。天明辛丑秋。從平洲來尾張。居三年。為明倫堂典籍。於是迎其母與弟于江戶。人皆稱南宮氏有子。乙巳冬。母林氏以暴疾終。終之日。徵命適至。龍湫奉書號哭。悲慟除喪。而後加秩。拜教授。兼侍讀。寬政庚戌。夏。得疾。經歲不

愈。明年辛亥。又加賜秩祿。蓋特恩云。正月二十七日竟不起。享年二十七。葬于城南禪芳寺。

人見恭。字子魚。號璣邑。通稱彌右衛門。先世居武藏人見村。因氏焉。璣邑實幕府講官人見靖安次子也。靖安弟貞安始仕本府。無子。養璣邑為嗣。璣邑性方正。恪慎。聰敏。多大畧。聞人善。深美之。視人不善。切警之。故舉世敬重焉。少為近侍。擢孝世子小納戶。兼侍讀。著潛龍論。陳用人之道。以進之。明和乙酉春。世子始朝。明公賞璣邑之善輔導。賜以采地。累遷諸職。遂為用人傍字。治水。疏鑿安達川。分注莊內川。以利農田。方大興

明倫堂。與細井平洲勳力定學規。尋兼勘定奉行。承命改革農政。舉直錯枉。置代官衙於各郡。使吏親撫。且恤問無告者。疾苦凡所為。壹以清心為要。平居麤衣淡飯。律已示人。當職強毅。令行禁止。天明甲辰年。歉食乏。富民承風。賑濟貧窶。璣邑自巡視行賞于四方。明年大有年。公喜。周賞農吏。特賜黃金特服於璣邑。無幾以病乞骸骨。賜月俸為養老之資。居四年起為白世子傳。嘗嘗輔佐二年。致仕。月俸如故。優游卒歲。寬政丁巳二月三日。歿。享年六十九。葬于慶智郡石佛村善昌寺。所著有張家寶。長崎志。三輪物語。夕煙鶴鷺。水草等。皆

藏于家。

宮澤安重。號欽齋。又南溟。通稱懶夫。其先出于陸奧。父曰磯野負純。為蟹養齋。高第。娶鈴木氏。生七子。欽齋其第三子也。徃昔磯野氏支子有稱宮澤者。欽齋襲用之。為人傀儡。儻膂力絕。入自幼好學。深宗程朱。初遊于中村習齋之門。後又就正于蟹養齋。學成而教授。伊勢桑名。又仕長島侯。名正賢。增山氏。任河內守。後辭去。又寓居桑名。安永乙未。還鄉。隱于賢寬政丙辰冬。應國相志水氏之聘。訓導其臣僚。志水氏敬愛最厚。丁巳五月十一日歿。享年六十三。葬于城南長福寺。所著有諸經傳講義若干



卷一

岡田宜生字挺之。後以字行號新川。又有暢園杉齋等號。通稱仙太郎。本府世臣也。父曰宗愛。娶佐治氏生二子。新川其長子也。天資孝友。幼而師事松平君山。博覽洽聞。特長於詩律。君山每嘆以為不及。天明中。明倫堂成。以新川為教授。尋遷總裁。無幾擢為督學。人以為榮。而新川自處淡泊。如為諸生時。常吟咏以自樂。鄭註考經久亡。于漢土類魏徵群書治要所載。而獨存于我。邦新川乃文章。之以行于世。其書又西傳。清人洪旌賢名暎獲之。大喜。拮據群籍。所後以作之。補證送

之我云。江戸市谷郎一舍有老狸。動為怪異。人懼。莫敢寓者。新川嘗以職赴江戸。人不告其故而居之。既過三日。其人問曰。先生無乃見怪乎。新川曰。每夜有一女子來。手無他。怪焉。人服其雅度。性多病。晚年益甚。乃辭職。就散官。寬政己未春。乞暇將浴。伊勢温泉。途中病劇。比歸家乃逝。時三月二十四日也。享年六十三。葬于城南慈眼院。所著有孝經引證。秉穗錄。彼此合符。常語叢。下學廣集。日下新詠。晞髮偶詠。物數稱謂。畸人咏。新川集。暢園文艸。暢園詩艸。暢園詠物詩。暢園節序詩。暢園題畫詩。暢園祝壽詩。暢園類雅。表海英筆。先友詩抄。夢遊

篇堂亭名。甘谷志聞。所校有鄭註孝經。劉向列仙傳。其所作詩至二萬餘首云。

恩田雖周字仲任。後以字行。蕙樓。危園。白山。皆別號。道稱進治。岡田新川弟也。為恩田宗致嗣。其幼時宗族皆以為癡。同儕皆輕侮之。蕙樓不少介意。常好看語。孟家極貧。就人乞。敗筆故紙。以學書。葛木盛長覽其手書。曰。孺子可教。因師事之。無幾。盛長歿。於是兄新川携之。謁松平君山。君山以為奇童。教育殊至。及長。博覽強記。問靡不答。而以家貧。不能購書。與新川謀。買故紙。寫歷史數百卷。於其背。兄弟俱善詩。世以比。機雲。明和甲申為

小十人。與。祇役江戶。越一幸歸鄉。數歲遷。金堂公子。近侍。又如江戶。公子極愛之。既而以父疾乞歸省。遂丁其憂。哀毀踰禮。尋為繼述館總裁。資性溫厚。謙恪。不覺。穀譽已在其身。其自奉甚約。見世利紛華。如惡。惡臭。暮年最愛花卉。多種之。園中。每四時花開。獨步其間。嗟以為娛。以殊愛牡丹。自號牡丹花老人。或請刊其詩。文。蕙樓曰。鶯花雪月。天之所以娛我也。於是。有詩以酬之。而已。我豈釣名者耶。固辭不授。文化癸酉八月二十一日歿。享年七十一。葬于城南大運寺。所著有左傳考證。左傳刪。國語考。史記考。史記辨誤。史記補正。漢書質



疑荀子攷淮南子考。世說音釋。世說訂疑。蒙求攷證。蒙求續貂。隸事。五雜俎備考。懷中物。尾張畧志。愚者一得。小璣。蕙樓隨筆。蕙樓日抄。蕙樓齋談。蕙樓閑語。米倉閑語。米澤餘語。土著論。欽下露。十寸穗薄。蕙樓集。白山文集。白山詩集。危園集。橘園集。宜搜篇。畫臺篇。歸家漫筆。夢中夢。古史畧。重修聚文韻畧等。

磯谷正卿字子相。號滄洲。通稱覺左衛門。世仕本府為騎士。隸竹腰氏。滄洲天資英敏。與岡田新川師事。松平君山博覽工文章。君山嘗曰。遊吾門者。文有滄洲詩有新川。明公在江戶。聞滄洲之名。辟權為留書頭。春遇

甚渥。明和甲申接遇朝鮮使南秋月。贈排律二百韻。秋月驚嘆云。二百韻排律古今未曾有也。非才學雄贖誰能作焉。讀畢乃就篇中隨意抽出二十字。以和之。滄洲直拔筆又賡其韻。秋月益嘆賞。滄洲時年二十八。性強記。無論經史。雖稗史小說一閱。乃暗記焉。享和壬戌十二月二日歿。享年六十六。葬于城南常德寺。所著有河梁雅契。日光足利紀行。

石川安貞字順夫。號香山。通稱忠次。其家本出自參河大濱。中世移居尾張愛智郡鳴海村。父曰信庸。香山其次子也。稟性質直方正。少而好學。受業于源田厚齋。及

淡井園南。小出慎齋。勵精息致。孜孜不休。其鄉去府下。未往凡六里。香山每以寅出。以辰至。列講筵。即日還家。而劉記其所聽。誦習其所傳。至夜半。僅就寢。前後三年。未嘗以祁寒暑雨廢一日。比壯歲。僑居府下。以教授為業。安永丁酉。賜月俸。授經于近侍。天明辛丑十一月。

命香山及岡田新川。撰行水金鑑解。壬寅二月。命編五史要覽。癸卯四月。為明倫堂典籍。乙巳十月。始置總述館校勘。以香山任之。兼明倫堂教授。寬政庚戌二月。五史要覽成。為卷二百七十五。繕寫以上。特恩加秩。繼命撰寶治通鑑證補。壬子四月。為繼述館總裁。戊午。

二月。為明倫堂督學。繼述館總裁如故。又加祿文化。己賜宅於城南御園街。以其久在學職。又多著述。蒙賞賜者數之。嘗著金鏡管見。陸宣公奏議集註。咸達。

天朝云。其名譽傳播四方。負笈者膺至。庚午十二月。二日歿。享年七十五。葬于鳴海村瑞泉寺。所著有唐宋八大家文楷。勤學俗訓。讀書正誤。代夷雜抄等。行于世。

石川嘉貞。字公幹。號魯菴。又三己叟。通稱順次。本氏水野。石川香山養為嗣。幼有淑質。努力不倦。能繼述家學。寬政戊午。為明倫堂典籍。及冢田大峯為督學。學政一變。魯菴獨守家學。後擢倍公侍讀。及公薨。遺書物。



奉行未幾而歿天保辛丑四月三日也享年六十九葬于先塋側所著有道經圖解道燈等

松水國華字德榮通稱德藏六世祖曰久秀天正丁巳十月軍敗焚死於大和志貴城子吉秀遷尾張粟郡玉野村其子吉正生矩武矩武家于府下生矩之矩之享保中為郡吏是為德榮父德榮襲父禄明和丙戌坐事滅德庚寅為東門館書史寬政紀元轉徒組己未命如江戶為人卓說不羈尤嗜酒逮中年日有限量醉則就眠曰養我天年乃此物也好讀書多所發明最研究律曆詩則好嘉萬之風又從河村律菴名秀學

皇朝典故平居所游皆當世名人最與岡田新川善文化甲子七月十七日歿享年六十七葬于城西寶周寺所著有史記律曆補註東窓閑談行于世

清水常武號文山通稱金二國老石河氏文學也為人豪放磊落兼善書而其作字不加敬謹時或左手握煙管右手拈毫且吹且書而其書翩翩可見矣或談其不敬文山曰可讀則足矣平生與恩田蕙樓友善蕙樓貪無書文山常憐之以家多書傾筐假之云寬政庚申四月十二日歿葬于城南延廣寺

冢田虎字叔貌號大峯居號雄通稱多門信濃人也父

曰旭嶺宜名行從學于室廬巢名直大峯資性明敏豁達

年十六遊江戶力學有年諸經傳皆自作解其意在依

經解經於是自諸侯大夫至草野之士執贄入門者日

多月盛天明紀元仕明公為侍讀文化辛未擢明倫

堂督學乃改立學規增學職益生員專以經術誘掖後

進乙亥又加賜秩祿其講經援引該博故誨懇到聽者

心醉老而克壯著述不倦天保壬辰三月二十一日歿

享年八十八葬于城南大光院弟子分仕倭國者千里

聞訃賻贈日至云所著有周易毛詩孝經論語孔子

家語六記孔叢子老子等註尚書補註春秋左氏傳

增註國語增註管子弟子職補解戰國策畧註聖道

得門聖道辨物聖道合語論語群疑考孟子斷荀子

斷解溫隨意錄昇平日新錄孝經和字訓入官第一義

滑川談學語正朔斷惑編作詩質的文集詩集史漢碑

解皇極和談見聞錄禮記贊說論語講錄歷史綱覽等

槌口好古字信夫號知足齋通稱又兵衛父曰又右衛

門其先世信濃人槌口兼光之裔也信夫自少以讀書

賦詩為樂為人不苟小節臨事果斷初為支配勘定歷

諸職為書物奉行尋遷中興番格歷仕凡五十三年忠精

堅確勵志勉力無所不至為支配勘定時得元張希孟



牧民忠告大喜其有益牧司用諺語作之註釋錄版公  
于世其書傳至水戶水戶侯一覽大善之又別刻以  
遍頒賜諸臣云其為勘定吟味役時巡視國中及美濃  
近江封內諸邑悉筆其地理著郡村徇行記三十九卷  
及詩稿若干卷宅中別構一書齋署曰蓬日軒軒前聚  
奇樹築筆冢有暇則獨坐其間吟哦養性晚歲建壽藏  
於城南本要寺自題其碑陰以文政丙戌六月朔殁享  
年七十七葬其地。

河村益根號乾堂通稱培二其先相模河村人因氏焉  
五世祖曰秀久始仕本府祖秀世有二子伯秀穎季秀

根俱精於國書秀根有二子伯殷根有奇才而夭仲即  
乾堂也自幼聰敏從岡田新川學及長知見過人貫串  
經史又通音律最能筆策凡有所學必潛心搜討不微  
不措但深惡朱儒不取其說嘗定順讀法著論讀式以  
授生徒寬政壬子父歿乾堂當嗣有故絕志仕途養渡  
邊氏子為嗣文政己卯十一月十二日歿享年六十四  
葬于城南法輪寺所著有帝號通覽宰輔通覽載籍通  
覽國郡通覽姓氏通覽匣載家塾錄乾堂集歌集等  
奧田水業字叔建以字行號鷺谷尾號鷺谷通稱與三  
郎五世祖曰傍島自入仕福島正則建正則國除歸隱

美濃。後冒。奧田氏。子孫世業。醫。鶯谷之祖父。曰三徹。元祿庚辰。來住府下。其子遊川生三子。伯孝英。仲世文。季即鶯谷也。二兄皆遊京。鶯谷獨留在府下。性不好醫。執左右田九平。名。邦學。圓明刀術。後折節讀書。師岡田新川。友河村乾堂。日夜憤勵。博綜經史。最善詩。門人衆多。寬政甲寅五月。釋褐。為明倫堂典籍。文化甲子四月。遷教授。戊子十一月。列右筆組頭。文政庚寅十一月十八日歿。享年七十一。葬于日置村法然寺。所著有牧齋隨身卷。釋辭等。

永井襲吉。字無咎。初字。損。號。星渚。又珍齋。通稱一翁。愛智

郡荒井村人也。幼而聽悟。好讀書。及下鄉學海名。館。市

川鶴鳴。名。于其家。星渚亦從學焉。鶴鳴奇其才。使熟讀

十三家書。星渚奉其教。螢雪匪解。既而鶴鳴應某侯之

聘。如其邑。於是門人多廢業。星渚獨執志彌篤。攻業益

勤。專潛心聖經。二十餘年。遂有自所發明。以成一家。乃

著對問一篇。以發其意。云。文政戊寅十二月十三日歿。

享年五十八。葬于智多郡緒川村了願寺。所著有周易

象義。毛詩存疑。尚書考文。論語考文。大學考文。中庸考

文。考經考文。周禮考文。儀禮考。三經義。尚書衍文考。禮

記鄭註補義。春秋左氏傳考。國語考。戰國策考。史記考。



前漢書考。荀子考。列子考。莊子考。韓非子考。淮南子考。呂氏春秋考。助語辭訣。詩集文集等。

佐佐木容。字子中。號嘯堂。通稱正藏。幼而好讀書。舉動不凡。衆咸異之。及細井平洲督學。國校委質焉。從如江戶。寓嚶鳴館。三年而還鄉。其學大進。名為明倫堂典籍。尋遷教授。為人愷悌恭遜。其在仕途。夷險一致。喜愠不形於色。其接人言談愉愉。平居無戲言。無情容。及其罷職。不與世交。環堵之室。左右圖書。兀然隱兀而坐。有來問字者。乃諄諄誨之。弗倦。文政辛巳二月二十三日歿。享年六十。葬于城南延廣寺。

鈴木朗。字叔清。號離屋。通稱常介。父曰廓。無鈴木吾河彌之裔也。自參河來。尾張發于山田氏。生四男。難屋其第三子也。童齒岐嶷。日誦書千餘言。粗通其意。十歲能屬文。及長。愈加精練。清人錢泳見其文。稱曰有先秦兩漢之風。無唐宋八家之習。性剛毅。有大節。以道自任。又疾世之儒者。欲門下多人。苟且偷合。失教學之意。特嚴師道。慎交游。擇信己者。而後與之。是故受業者不多。初祿仕。後轉記錄書史。數年遷列儒。負年向七十。擢明倫堂教授。始講日本書紀於校中。天保丁酉六月六日歿。享年七十四。葬于城南誓願寺。所著有學訓論語參解。

大學參解。六經諸子說。雅語譯解。讀書點例。希雅。養生要論。離屋文集。漂流物語等。行于世。

神野景遠。字志寧。後改子宏。號菊叢。又有雪丘。一無等號。通稱善左衛門。父曰仁右衛門。奉職遊東武。生菊叢

于江戶。菊叢自幼捷悟。勤學不倦。比壯漫遊四方。探名區古蹟。遂抵本府。而祿仕清貧澹泊。讀書自樂。初在江

戶學。于山本北山名信。又信教生氏說。後讀許魯齋全書。大喜之。慨然服程朱。然不株守一家。博涉百家。自兵法書畫詩歌醫術律曆。至獬史野乘。無不通知。又好佛

典。嘗閱藏經。六年卒業。云性卑謙。不以才學誇人。平居

服垢弊。容貌如愚。而言談娓娓可聽。天保庚子七月二十五日歿。享年七十三。葬于城南法應寺。所著有隨意艸。長秋記。參考。菊叢文集等。

松田昭裕。字君緯。號棟園。通稱三藏。業東郡松竹村人。天資疎豪。不拘繩墨。幼遊于細井平洲之門。弱冠補明

倫堂學生。賜月俸。文化中新除典籍。旁詳國史。諸乘稗官小說。廬其齋曰常春。其言曰。詩酒絃誦。常常為春。性

嗜酒。蚩尤不止。其妻苦諫。以非攝生之道。棟園笑曰。天生君緯。豈為汝曹地耶。里中有失火。衆咸失措。棟園獨

閑步。至酒肆。酣醉陶然。不顧資財。里中皆稱為畸人矣。



文政己丑三月二十五日歿。享年六十。葬于城南淨念寺。

甲斐愨字士誠。號岷谷。通稱清大夫。父曰石安。美濃大垣人。未仕。府下以醫為業。岷谷生而穎悟。從關元洲受句讀。年甫十歲。誦經史。作詩。世以神童稱之。為人溫謹。精力過人。既而補明倫堂學生。就細井平洲而學。平洲甚器之。文化中除典籍。文政丙戌二月十二日歿。享年五十五。葬于城南誓願寺。所著有詩集若干卷。

丹羽勗字子勉。號盤桓子。通稱嘉六。春日井郡四谷村人也。自幼穎異不群。四五歲能書字。屹如成人。七歲從

學。鈴木離屋。離屋愛其才。教育最至。其業日進。離屋嚴禮以待。生徒盤桓獨奉其規事之甚謹。為人恭謙貞慎。質厚寡言。其與人忠。其執事敬。其治室家肅。而和寬。政中始開日記局。編纂歷代事蹟。大家伯譽名長為之總裁。舉盤桓。寫史書守職二十餘年。遷右筆。其學術文章皆超出時流。而為書名所掩。終不顯于世。其書細楷特妙。暨中辛。觀官時筠圖遺墨。深有所契。極推服之。云天保辛丑三月七日歿。享年六十九。葬于四谷村長光寺。

林維祺字介父。號南涯。通稱彦八。本氏曰比野。為林季

倪嗣初從學于礪谷滄洲。文化丁卯。為明倫堂典籍。己遷教授。天保壬辰。進督學。為人溫雅謙冲。弘量容衆。平生詩文。概不著稿。人或勸著書。乃曰。如我陋劣。曷事著述。我偶所見。則古人皆己言之。又何啻啾之。為其處身甚約。期貧極厚。書生家貧。而志篤者。則寄食之塾中。撫恤最至。老而無子。養同族之子。為嗣。待之寬恕。不加督責。每語人曰。人有能有不能。各養其性。以供天職而已。立己矩矱。而矯人之性質。吾不為也。平居怡怡。飲酒有限。醉能溫克。雖家人未嘗見屬解慍色也。天保辛丑閏正月八日歿。享年六十七。葬于城南西蓮寺。

尾張名家誌初編卷之下



新編注年院稅稿又得  
官准箴上本白有故未采  
今茲余與兵性子謀勦力  
以竣事云

安政丁巳之春

尾張 田中寅亮識



B  
O

要齋細野為藏著

安政四年丁巳十一月新刻

尾張

名古屋樽屋町

井筒屋文助梓

書肆

